

通行文件

交通部通行各部院等處本部卽在舊郵傳部辦公文

爲通行事中華民國元年四月初八日奉

臨時大總統令任命施肇基爲交通總長此令肇基於四月二十二日就任交通總長之職卽在舊郵傳部辦公相應通行各部院各旗都統並南京留守各直省都督民政長查照可也
中華民國元年四月二十三日卽壬子年三月初七日

蘇州府志

卷之二十一 風俗志

風俗志

公 啓

內務部酌設蒙藏事宜處等緣由公啟

敬啟者中華民國元年四月二十一日即壬子年三月初五日奉

大總統令現在五族共和凡蒙藏回疆各地方均爲我中華民國領土則蒙藏回疆各民族卽爲我中華民國之民自不能如帝政時代再有藩屬名稱此後蒙藏回疆等處自應通籌規畫以謀內政之統一而黨民族之大同民國政府於理藩不設專部原係視蒙藏回疆與內地各省平等將來各該地方一切政治俱屬內務行政範圍現在統一政府業已成立其理藩部事務著卽歸併內務部接管其隸於各部之事仍劃歸各部管理在地方制度未經劃一規定以前所有蒙藏回疆應辦事宜均各仍照向例辦理此令等因奉命之下當於內務部內酌設蒙藏事宜處回疆事宜亦隸屬焉本日卽行成立所有京外各衙門向例投遞理藩部之文件逕送內務部查收可也相應抄錄命令及本處成立緣由一併希登公報以昭公布特此公啟
中華民國元年四月二十二日即壬子年三月初六日內務部蒙藏事宜處謹啟

